



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

III. Qui literas summi pontificis falsavit, in monasterium districtae religionis debet detrudi, officio & beneficio spoliatus.

urn:nbn:de:hbz:466:1-15588

CAP. III.

*Idem VVigornienſi & Norwicensi episcopis.*Dist. 19. In
memoriam.Dist. 50. Si
quis epi-
scopus.

De sacerdote qui literas nostras falsavit, quas tibi missus discretioni vestrae, &c. ut si inueniri poterit, omni officio sacerdotis, & beneficio ecclesiastico perpetuo priuatum, in aliquod monasterium districtae religionis detrudas: ut ibi tanti facinoris poenas luens, se taliter defleat commississe, & alii per hoc a similibus valeant deterreri. Quod si aliquos de consimilibus comprehendere poteris, ipsos arctissimae custodiae, sublato appellationis remedio, retrudas, donec inde apostolicum susceperitis mandatum.

CAP. IV.

*Idem Salernitano archiepiscopo. Pars capituli, Licet praeter.*Confessio-
nem coram
seculari iudice factam,
clerico non
prauiudi-
care.Circa cleri-
cos adulte-
ros episco-
pum posse
dispensare.

At si clerici coram iudice saeculari conuicti fuerint vel confessi de crimine, non propter hoc ab episcopo suo aliqua sententia sunt condemnandi. Sicut enim sententia a non suo iudice lata non tenet, ita nec confessio coram ipso facta. Si vero coram episcopo de crimine in iure sunt confessi, seu legitima confessione conuicti, dummodo sint talia crimina, propter quae suspendi debeant, vel deponi, non immerito sunt a suis ordinibus deponendi, & ab altaris ministerio perpetuo remouendi. De adulteriis & aliis criminibus quae minora sunt, potest episcopus cum suis clericis post peractam poenitentiam dispensare, ut in suis ordinibus deseruiant: sed non debet quemlibet depositum pro suis excessibus iudici tradere saeculari: quia suo functus est officio, non debet eum duplici contritione conterere.

CAP. V. *Idem eidem in eadem epistola.*

Porro si clericus alicui sponte duellum obtulerit, vel si oblatum susceperit, & victus fuerit siue victor, de rigore iuris merito est deponendus. Sed quantumcumque eius grauis in hac parte & enormis sit excessus, euadere potest depositionis sententiam, si cum ipso suus episcopus misericorditer duxerit dispensandum: dummodo ex illo duello homicidium, vel diminutio membrorum non sit subsecuta.